

## Konsehonan den tratamentu den “Konseho pa Maneho di Grandinan”.



### Konseho tokante “Problema di kolokashon di grandinan”.

Den kolokashon di grandinan den kas di kuido, riba nan propio solisitut, tin hopi reglamentashon i enbolbimentu di hopi instansha. Konseho pa Maneho di Grandinan ta kere ku ta na bienestar di grandinan si bini un volumen di norma pa kondishon di aseptashon integral, a base di kua por ofresé tur forma di kuido na un manera funshonal.

### Konseho tokante “kondishon mínimo di bida” pa grandinan.

Grandinan den nos komunitat for di nan 60 aña tin derechi riba AOV. E penshun básiko akí mester por garantisá e grandinan un kondishon mínimo di bida rasonabel. E AOV aktual ta NAf 554.- pa luna. Segun ekspertonan i otronan esaki no ta yega pa biba di dje. Ora ta deskribí situashon finansiero di e hende grandi, ta importante pa banda di e entrada konsiderá tambe e montante ku e tin pa gasta. Ta importante tambe pa sa kiko ta situashon di e grandi den e sirkulo familiar ku e ta kompartí ku otronan.

## Konseho den planifikashon pa 2007.



### Konseho tokante “Kuido preventivo di salú entre grandinan den poblashon di Kòrsou”.

Un kondishon importante pa grandinan por partisipá aktivamente den komunitat ta pa nan ta salú i pa nan keda salú. Ademas di alimentashon salú, aktividat físiko tambe ta kontribuí na kalidat di bida, salú físiko i resistensha mental.

## Informashon




Por aserká Konseho pa Maneho di Grandinan di djaluna te ku djabièrnè na:



- › Adrès: Polarisweg 88
- › Telefòn: 461-9098
- › Faks: 461-9099

Pronto lo tin tambe tur informashon mashá detayá riba website.



## KONSEHO PA



## MANEHO DI GRANDINAN ta informá



## Konseho pa Maneho di Grandinan ta informá.



*Segun e Nota pa Maneho di Grandinan di 1996 Kòrsou su poblashon ta envehesé mas rápido tur dia. Na 1995 tábatin riba e isla akí mas o menos 17.000 hende di 60 aña p'ariba. Esei ta 12.1% di poblashon. Pa aña 2000 e porsentahe lo oumentá te 14.5 i den aña 2010 e poblashon di Kòrsou lo konsistí di mas ku 26.000 hende di 60 aña òf mas, loke ta 19.4% di poblashon. Na 2020 un di kada kuater persona lo tin 60 aña òf mas.*

En bista di e konsekuenshanan profundo di e biramentu bieu akí gobièrnu a lanta un órganu permanente, e Konseho pa Maneho di Grandinan. Dia 23 di mart di 1998 a lanta e konseho pa tempu indefiní. Konseho pa Maneho di Grandinan tin komo tarea pa konsehá 'Bestuurscollege' tokante tur asuntu ku tin di haber ku maneho di grandinan i kon por realisá e proposishonnan di e Nota pa Maneho di Grandinan riba término kòrtiku.

Direktiva di e Konseho pa Maneho di Grandinan ta konsistí di un kantidat ímpar di maksimalmente nuebe miembro. 'Bestuurscollege' ta nombra e miembronan di e Konseho, segun rekomendashon di e Konseho pa Maneho di Grandinan.

**Maneho di Grandinan ke men:** Tur medida sea di legislashon òf di maneho ku por ta di influensha riba posishon di grandinan den komunidad. E Konseho pa Maneho di Grandinan ta hasi rekomendashon òf duna konseho sea riba petishon di Konseho Ehekutivo òf di un miembro di Konseho Ehekutivo. E Konseho pa Maneho di Grandinan por konsehá riba su propio inisiativa tambe. E konsehonan akí no tin mester di ta referí na kuido di grandinan so, ma por tin di haber ku bienestar general den e sentido mas ámplio di palabra.

Pa por duna konseho fundá, e Konseho pa Maneho di Grandinan mester hasi òf laga hasi investigashon pa haña un bista riba e posishon di grandinan den komunidad. Ta mashá importante pa informá grandinan riba tur sorto di tereno pa nan por ta kapas na nan turno di informá e Konseho tokante nan posishon den komunidad.

## E medianan ku e Konseho pa Maneho di Grandinan ta utilizá pa logra su meta ta:

- Konsehá tokante realisashon di e rekomendashonnan den e Nota pa Maneho di Grandinan;
- Kompilá, analisá, kordiná i reuní, elaborá i ahustá datonan ku ta referí na kuido di grandinan;
- Lanta i mantené un ofisina, i nombra personal pa ehekutá trabou di e ofisina den servisio di e Konseho;
- Konkretamente promové ehekushon di e rekomendashonnan di e Nota pa Maneho di Grandinan.

Tareanan de e Konseho pa Maneho di Grandinan no ta referí na kuido di grandinan so, ma tin di haber ku bienestar general den e sentido mas ámplio di palabra.

**E tareanan akí ta entre otro;**

### Legislashon pa regulashon di kuido di grandinan.

Institushon di normanan ku lo mester bira lei, na kua tur institushon pa kuido di ansiano (Kas di kuido, institushon di enfermeria pa hende grandi) i otro organisashonnan ku ta okupá nan mes ku kuido di hende grandi tin ku atené nan.

### Norma pa kondishon di aseptashon.

Institushon di normanan ku lo mester bira lei, ku kua tur kaso di aseptashon di un persona den un instituto pa hende grandi mester kumpli.

### Informashon.

Konsientisashon di kada ken di nan propio responsabilidat pa nan biramentu di grandi. Di preparashon pa biramentu di grandi. Institushon, kordinashon i stimulashon di aktividat ku ta di balor pa prevenshon.

### Partisipashon.

Stimulashon i sosten di partisipashon di grandinan den tur aspekto di komunidad. Planifikashon di e fakultatnan di estudio nesesario pa kuido di grandinan. Planifikashon di finansiamentu di kuido di grandinan.

### Norma pa estudio.

Diseño di norma i eksigensianan ku tin ku bira lei, na kua tur instansha ku ta ofresé kurso pa kuido di ansiano mester atené nan.

### Banko di investigashon i dato.

Rekoudashon i optenshon di otro forma di dato estadístiko riba kua por basa maneho.

## Konsehonan di e “Konseho pa Maneho di Grandinan”.



### Konseho tokante introdukshon di “Seguro general pa enfermedat” (AZV).

Introdukshon di AZV lo mester sòru pa eliminá mas tantu posibel e problemanan eksistente (Finansiamentu, kosto, problema di sistema, problema di struktura), i pa lòs e stankamentunan eksistente. Ya ku realisashon di un AZV mester por konta ku e plataforma di aseptashon mas hanchu posibel den komunidad, e seguro akí lo mester ta basá riba e grado di solidaridat di mas haltu ku tin.

### Konseho tokante konsepto pa “Ordenansa Insular konteniendo reglanan pa instanshanan pa kuido di ansiano”.

E biramentu di bieu i e nesesidat di atenshon i kuido di ansiano kresiente ku ta su konsekuensia, e kantidat i kalidat di posibilidat di akohida intramural i e organisashon aktual di tur esei, ta eksihí pa bini ku reglamentashon di kuido i alohamentu di e grandinan den e instanshanan ei.

### Konseho tokante “Bibienda i Satisfakshon bou di grandinan na Kòrsou”.

Di e 60 personanan ku a entrevistá, 40 tábata biba riba nan mes den 4 diferente barío i 20 na tres diferente kas di kuido. No ta hasi diferensha pa satisfakshon di grandinan si nan ta biba riba nan mes òf den un kas di kuido, basta nan mes ke biba ei. Pa logra un satisfakshon optimal serka e ansiano ta importante pa ora di ofresé forman di alohamentu òf konstrukshon di forman di alohementu, tene kuenta ku nesesidatnan di e individuo